



Universitätsbibliothek Paderborn

**R. P. Cornelii Hazart Societatis Iesv Theologi Discursus
Morales In Selectiora Loca Genesis, Exodi, Levitici,
Numerorum**

Hazart, Cornelius

Antverpiæ, 1688

Discursus X. Deus prohibet sibi offerri Lepores.

[urn:nbn:de:hbz:466:1-52700](#)

4. Tepor à minimis incipit, ut supra vidimus, non enim fervidus homo facile statim in majora prolabitur, sed sensim; vel quia de minimis non ita dolemus, aut non ita curamus, sive quod in minimis gravissimorum criminum semina delitescant, juxta illud Eccl. cap. 19. *Qui spernit modica paulatim decidet: Minora enim fervorem minuant, & sic firmus tepidi, robur animæ labefactant, & sic firmus debiles, & fervore diminuto, & viribus labefactatis ad majora disponimur, nec valemus temptationibus diaboli ita resistere.* Tepidus ergo est, qui, ut ait D. Dorotheus Serm. 3, dicit: *Quid refert si recreationis causa verbum impurum protulero? quid refert si orationem matutinam aut vespertinam neglexero? ex hoc, quid est hoc, & quid est illud, inquit Dorotheus, quid refert hoc, quid refert illud? datur initium ut etiam gravissima tandem contemnamus.*

Denique tepidi valde difficulter curantur: *Quia tepiditas, nec propriè peccatum est, nec innocentia: Similis mihi videtur auroræ, quæ cum nec nox sit, nec dies, sole caret & stellis. Peccato-rem jacentem in luto multis modis possimus inde extrahere: Te-pidum nullus audet movere, quia non jacet, sed stat, adeoque aut nihil curandum censemus, aut si quid sit, tam leve putamus, ut non videatur opera pretium illi manum admovere, & sic diffi-cilis est illius curatio.*

Propter omnes illas rationes jam allatas dicit Deus se tepidos, & tardos, & pigros evomere ore suo, adeoque sicut prohibuit pri-mogenitum asini sibi offerri in sacrificium, sic rejicit à se homines illos qui tarditate & pigritia, isti animali similes sunt.

DISCURSUS X.

Deus prohibet sibi offerri Lepores.

Vixillum inter animalia timidius lepore est, etiam tremit ad minimos strepitus, numquam occurret venatoribus ut se contra vim illorum defendat, sicuti faciunt leones, apri, ursi, tauri &c. Ipsi cervi aliquando, quamvis valde timidi, etiam cornibus audent resistere, sed lepus semper fugit. Ergo per leporem signifi-cantur

cantur homines timidi, adeoque sicuti Deus leporem tamquam animal imbelli rejecit à sacrificio, sic voluit per hoc significare homines imbelles & timidos ineptos esse ad suum obsequium.

Sunt autem multæ timidorum hominum species, nulla quæ vallet. Prima est eorum qui scrupulis aguntur. 2. Qui timent damnari si vexantur impuris cogitationibus. 3. Qui despondent animum si semel labantur. 4. Qui timent se nihil proficere. 5. Qui timent bene agere propter homines. 6. Qui timent ubi nihil prorsus timendum est, &c.

scrupuli
& scru-
pulosi.

Incipiamus à prima specie, & videamus timorem scrupulorum: Hi plerumque omnia perdita putant, si vel minima tentatione pulsentur, omnia habent suspecta, in omnibus etiam minimis se turbant & timent.

Petebat olim à se Propheta David Psal. 42. Quare tristis es anima mea, & quare conturbas me? non dicit se turbari à malo spiritu, sed à tristi anima, adeoque si quis læto animo sit, nullum esse à tentatione periculum. Propterea addit: Confitebor tibi Domine in cythara. Dolorosa debet esse confessio, sed cum cythara, hoc est, non debet carere lætitia. Dicit ergo David Deum, etiam in confessione, requiri & planetum & gaudium. Quid ergo est confiteri in cythara? hoc est, plorare sine timore, in ipso dolore gaudere. Vis jam scire quis sine cythara Domino confiteatur? scrupulosi, qui post confessionem numquam securi sunt, semper timent ne male confessi sint. Mirum diaboli inventum, ut incipient confessionem horrere, cum deberent lætari se esse confessos.

Audi rursus quid dicat David Psal. 57. Vim, inquit, faciebas quicquiderebant animam meam: Ego autem tanquam surdus non audiebam, & sicut mutus non aperiens os suum: Videsne quomodo Propheta docet configendum cum dæmone? Non audire, nec loqui: Et ne putas Prophetam non fuisse ex auditum à Deo, quia filebat, è contrario dicit: Factus sum sicut mutus: Tu tamen exaudies me Domine Deus meus: Ergo vox Davidis qua in tentatione clamabat ad Deum, silentium ejus fuit: Non sic scrupulosi: Auscultant dæmoni, multa secum, & cum dæmone loquuntur lingua, oculis, manibus, nutritibus, & ideo semper timent, ne male fecerint etiam optima quæ fecerunt. Dæmon timore non vincitur, sed lætitia, non multi verbis, sed silentio: Ridendus hostis qui fremere potest, nocere non potest nisi tu velis, tunc autem vis, quando times.

Ego



Ego, inquit diabolus, efficiam ut iste homo nec dormiat, nec manducet; persuadebo illi quod non semel dubitaverit de fide, quod non satis pie interfuerit sacro, non satisficerit præcepto quia toties distractus, quia Sacerdotem non viderit, vel non audierit, quod conscientiam suam non bene examinaverit, quod se in confessione non bene explicarit, & ubi incoepit turbari propter umbras peccati, mox occurrit peccata alia superalia, ut plenus timore nihil agat quod valet. Quapropter nisi quis dæmonem explodat propter similes nugas, in periculo est ne gravius cadat. Ubì dæmon, præsertim animam piam, videt timentem & turbatam propter nugas, novas quotidie insanias ac inventiones excoxitat, ut habeat quibus semper cum tentatione configitat, & interea negligat ea quæ ad profectum in virtute ac pietate necessaria sunt. Non sunt haec viæ quibus perveniantur ad Deum, inter vias enim Domini non numerantur vani isti timores, & turbationes animi, quia nullæ viæ Domini sunt absque pace, fiducia, & quiete.

Altera Scrupulosorum species priore deterior est, qui timent se damnados quia malis cogitationibus vexantur. Quid? tu-ne times excludi à cælo, & ideo turbaris cum tentaris? quæ ratio? quia, inquis, captivus trahor obsecenis phantasmatum imaginibus in lutum: Egone ejusmodi phantasias tam crebro vexatus, possim ^{Puillante} misere salvare? ut video, nondum bene edoctus es in schola Dei; David enim dicit extores fore è cælo, non qui cogitationibus rapiuntur, sed qui errant corde: Nisi enim turpitudinem quam cogitas, diligas corde, potes dicere cum sponsa in Canticis cap. I. Nigra sum, sed formosa, quamvis nigrae cogitationes versentur in capite, propterea non definit anima esse formosa: Quid ergo times excludi è cælo? Non potest Christus odisse tentatum, qui non semel tentatus fuit à dæmons in deserto. Sponsa non reperit dilectum suum in lectulo contemplationis, sed in plateis tentationum, cum percussa & vulnerata longius abesse videbatur à sposo, Cogitationes illæ quæ te vexant, triumphum parant. Tam enim imbecillis est hostis noster, inquit David Psal. 67, ut si vel capillum verticis tangas, vincatur, sufficit, inquit, tangere verticem capilli perambulantium in delictis suis. Quasi diceret: Ego didici tantam esse meorum hostium imbecillitatem, ut vinci possint si tantum unus capitis capillus tangatur. Ficta enim est & imaginaria illorum fortitudo.

N n n

Quod

Quod ut clarius intelligas, nota verba Davidis: *Perambulan*,
inquit, in delictis suis. Tu ambulas in innocentia tua quando illi
 veniunt oppugnatum animam tuam: Quid habes quod timeas,
 quando vincere potes si tangas tantum unum capillum? Quando
 vero audis *Davidem* dicentem quod *perambulent*, adhuc minus ha-
 bes quod timeas: Perambulare enim nihil aliud est quam in ex-
 guo spatio se exercere, adeoque idem spatum saepius percurtere
 per transennam, non enim audet diabolus hærere si tu generoso
 animo sis; si vero times, ex illo tuo timore diabolus audacior sit,
 & ubi tantum venerat ut per transennam animum tuum peram-
 bularet, fixam sedem figit ut fortius te oppugnet. Noli illius vires
 timere, & non timebis dampnari.

Tertia species timidorum est illorum qui animum despondent,
 si semel labantur. Invenies quidem homines severos qui dicant:
 Virtus si semel titubet, frangitur. Audiant illi quid dicat sponsa
Cant. cap. 2. Sicut Malus, inquit, *inter ligna sylvarum, sic dilectus meus.*
 Quænam est ista similitudo, comparare dilectum suum Malo,
 quæ frondes amittit in hyeme, & tot mensibus quasi arida est in-
 star trunci? quare non potius comparat illum Cypariso vel Cedro,
 quæ numquam viorem suum amittunt?

Nihil minus, Malo arbori comparat, ne illi animum desponde-
 rent ex quibus interdum folium defluit.

Propterea sponsus se florem campi appellat, ubi pleraque modo
 arent, modo virent, ubi nullus flos videtur in hyeme, & nihil non
 floret in vere.

Et sane si Deus illam sanctimoniam tantum probaret qua-
 numquam labitur, rari scripti essent in libro vitae *Petro* dicitur
Matth. cap. 16. Tu es Petrus, & super hanc petram edificabo Ecclesiam meam,
 & tamen petra illa frangitur ad vocem unius ancillæ, non ideo
 tamen petra esse desit, aut Ecclesia super eam fundata labat. *Mys-*
ses dubitavit an ex petra posset educere aquam, non ideo tamen
 desit esse *Sanctus. Iohannes* qui in cæna recubuit supra pectus Domini,
 hauserat inde divinitatis arcana, in horto, orante Christo, dormitavit,
 post, vincito Christo, aufugit, & tamen eo crucifixo,
 perstigit sub cruce intrepidus. *Ionas* post revelationes fugit à Deo,
 & timuerat prædicare in *Ninive*, postea tamen summo ardore or-
 avit in ventre Geti, & inter Sanctos, ac Prophetas Domini nu-
 meratur. *Audio Davidem clamantem Psal. 9. Tu Domine exaltas m-*

de portis mortis, sed addit: *Vt annuntiem omnes laudationes tuas in portis filia Sion.* Non solum labitur David post innocentiam, sed etiam pacer in medio mortis; inde tamen non eruitur solum, sed etiam exaltatur, & statim dicit se transpositum in montem Sion quo nihil est sanctius, & post adulterium ac homicidium eo sanctitatis pervenit ut nullus illo rex fuerit sanctior.

Humanum est labi, quid ergo despomedus animum, omnia que perdita existimamus si forte semel labamur? ipse Deus non spernit sanctitatem labantem. Apostoli omnia reliquerant propter Christum, & tamen ex ambitione incepérunt disputare quis eorum esset primus, non ideo desierunt gaudere quod publicè in concilio, propter Christum, cæsi fuissent flagellis: Noë sua pietate mundum servaverat, & non servavit se ab ebrietate, postea tamen & Prophetat, & Deo sacrificia offert. Magdalena post tot lacrymas amoris, nimio dolore abripitur ut mortuum lugeat fratre, iterum tamen & Christum audit loquentem, & summo cum amore, & lacrymis quererit illum in sepulchro: Dies me deoeret si singula percenserem.

Hoc ad extremum notandum est quod Sancti si cadant interdum, non diu hærent in luto, & ut exsurrexerint, clariss refulgebunt, & ferventiores fient. Quare si lapsus es, noli equidem timere, nec desperare, potes enim ex Saulo fieri Paulus & ex Publio fieri Apostolus.

Quarta species timidorum est illorum, qui metuunt bene agere *Respectus* propter homines, aut difficultates occurrentes *humani in* exercenda Propterea vel non audent facere bona propter obloquia homi*virtute.* num, vel desistunt ab eo quod semel bene incepérunt.

Qquad primum, quid stultius quam timere dicta hominum in exercenda virtute, quidquid enim agas, semper erit quod aliqui maximè probant, alii improbabunt, quod hi efferunt usque ad cælum, illi depriment usque ad infernum, & ego propter hominum dicta tam stulta, & sibi mutuo adversantia, non audebo facere bonum? Cum Christus faceret miracula, quidam, inquit Iohannes cap. 7, dicebant *quia bonus est*, alii autem dicebant, *non, sed seducit turbas,* non ideo desistebat Christus facere miracula: Si Magdalena hominum obloquia & dicta timuisset, numquam Magdalena fuisset, sed semper peccatrix mansisset; ut autem Magdalena fieret, non tantum non obloquia timuit, sed contra audacior ivit.

N n n 2

Diu

Diu illa peccaverat, & nemo loquebatur, convertitur, & nemo de ea non obloquitur.

Prosternitur ad pedes Christi, & adversarios patitur. Plorat, & peccatrix dicitur, epulas parat, & prodiga dicitur: Sive lacrymas effundat sive unguentum, non potest compescere susurrones. Habet sibi infestos non tantum Phariseos, sed etiam Apostolos.

Vultis videre quam parum hoc Magdalena curaverit? Saepè per famulos exploraverat quo Christus divertisset. Audivit abyssin templum, non accurrit, dixit enim intra se, qui luget in templo, potest laudari: Intellexit illum secessisse in sylvam cum suis Apostolis, non ivit; potest enim peccatrix lugere in solitudine, sed non potest ubi non est turba hominum, pudore suffundi: Nuntiaverant famuli Christum esse in domo matris suæ: Absit, inquit, uteo Vadam, mater enim me plorantem consolaretur. At ubi intellexit Christum in domo Pharisæi accubuisse, hominis tam impudentis ut nec Deo parceret, tunc exclamavit: Ecce nunc tempus acceptabile, ecce nunc dies salutis. Jam non lugebo tantum, sed etiam pudore suffundar: Quantum effundam unguenti in pedes Domini, tantum famuli in me profundent injuriarum: Ergo eo ivit, ibique sui doloris theatrum extruxit, ubi & Pharisæi audacia, & famulorum impudentia dolentem dicterioris impeterent. Sed quid ad me si multi ibi obloquentur? dummodo Christo placeam, quid mihi cum hominibus? garriant illi, ego plorabo: Dicant illi fanda atque nefanda, ego Christi pedes osculabor & ungam: Numquid præstat Christo placere bene agendo, quam timere displicere hominibus si bene agas? Ergone quidem, si totus mundus tibi obloquentur, desistendum a bene inceptis, alioquin timidum animal es quod Deo non meretur offerri.

Via virtutis non est difficultas. Tu vero quid times? difficultates quæ occurrunt in via virtutis? Ego autem dico nullas esse difficultates in exercenda virtute: Scio antiquos Philosophos & Poëtas contrarium docuisse. Hesiodus enim ait Ode 5. *Virtus continuus labor est.* Plato Lib. 2 de Repub. dicit viam virtutis esse valde difficultem ac laboriosam. Simonides propterea sedem illius statuit in arduis rupibus.

Ego autem dico cum Philosopher Seneca Lib. 2 de Ira cap. 13. Non est, inquit, arduum ad virtutes & asperum iter, ut à quibusdam dictum, piano adeuntur: Non enim sunt majores difficultates quam tu ipse facias; si timidus es, singis laborem in precepto, inquit David,

David, timido enim ac pusillanimi omnia difficultia sunt, si generosus es, nullae sunt difficultates, animo enim generoso etiam difficilima facilia sunt, & gravissima, levia: Ergo ut via virtutis facilis sit vel difficultis penderet ex tuo arbitrio.

Vis hoc clare videre? experieris ex illis quæ quotidie funt in mundo. Quid vis? numquid difficile est in se noctem integrum vigilare, & postridie capite laborare, & fracta habere membra? quid sis? difficile est, inquires. Recte: Hoc tamen non est difficile domesticæ, sed jucundum, dum publico tripudio interest: Quomodo hoc potest esse jucundum quod difficile est? quia libenter facit, & ideo facile est.

2. Numquid difficile est, totos dies invigilare negotiis sacerularibus, studere, scribere, discurrere, timere jacturam, prævertere pericula, mille curas habere? &c. difficile est, inquires, recte, ideo enim conjugium præsertim, magnum onus vocatur: Et tamen hoc non est difficile iis qui inhiant lucro: Unde hoc? quia amor lucri omnia facit facilia.

Quid difficultius quam agere militem? quam cubare in dura humo, dormire sub dio, pati ardores, frigora, famem & siti, profici per nives & grandinem, pugnare, vitam exponere? & tamen plurimi suam inde capiunt voluptatem: Quomodo hoc fieri potest? amor gloriæ omnia facit facilia.

Sic singula quæ difficultia sunt in mundo, si percurras, reperies nihil tam difficile esse quod non jucundum aut facile videatur, quia amatur, & libenter fit, pro quo? pro mundo: Quid ergo tam difficultia videntur quæ funt pro virtute & Deo? tedium parit Missa fiduciæ durat, horremus mortifications, timemus adversitates, non ferimus nobis contradici, non habemus animos ut frangamus Passiones nostras, ideo ista difficultia videntur; si vere Deum ac virtutem diligeremus, faciliora longe illa forent quam omnia quæ funt pro mundo: Tales homines tam timidos ac pusillanimes non vult Deus admittere ad suum obsequium.

Postrema denique species timidorum est illorum, qui timent ubi nihil prorsus timendum est, nec ulla timoris apparentia. Audi hac de re pulcherrime differentem Philosophum Senecam Epist. 13 ad Lucilium: Plura, inquit, sunt Lucili, quæ nos terrent quam quæ premunt, & saepius opinione quam re laboramus: Illud tibi præcipio ne sis miser ante tempus, cum illa, quæ velut imminentia ex-

N d n 3

payisti,

pavisti, fortasse numquam ventura sint, certe numquam venient. Quædam ergo nos magis torquent quam debeant; quædam ante torquent quam debeant, quædam cum omnino non debeant. Aut augemus dolorem, aut fingimus. Quomodo, inquies, intelligam an vana sint an vera quibus angor? accipe hujus rei regulam, De præsentibus facile est judicium: Quod futurum est, hodie nihil habet negotij: Si futurum est, primum dispice an certa sint argumenta venturi mali, plerumque enim suspicionibus laboramus.

De hujusmodi hominibus ait *David Psal. 13*: *Ilic trepidaverunt timore ubi non erat timor*. Bene ait *Seneca*: Suspicionibus ducimur, & ideo etiam umbras timemus. Ut præ oculis quasi videoas quid hoc sit: Propono tibi quod narrat *Famianus Strada de Bello Belg.*, pag. 397: Cum Dux *Albanus*, inquit, *Daventria* esset in *Transfusania*, aliquos exploratores emisit; hi non multum proiecti, strepitum tympanorum audiunt, mox quatuor vexilla conspiciunt, & illico ad *Albanum* redeunt, referuntque adventare hostem, & in proximo esse: Vix poterat *Albanus* adduci ut crederet, quia tamen à speculatoribus diversæ nationis id asseverabatur, propere tribunos, prefectosque admonet ut sint parati ad pugnam, & aciem instruit, simul alios qui proprius observent hostium vires & numerum emitit, quibus inde digressis in conspectum veniunt quatuor vexilla, prælata totidem curribus velo ac fronde intectis in quibus nova nupta magno agrestium circumludentium comitatu in vicinum pagum vehebatur; & facta trepidatio versa est in hilaritatem, præteriensque sponsa ante aciem festo scloporum plausu consolata est. Vides hic quid sit trepidare ubi non est timor? quies nos tristia timemus, sed vanè, quia sæpe desinunt in hilaritatem. Timentur, inquit *Hilarius in Psal. 54*, quæ non timenda sunt, sic & fit ut non timeantur quæ timenda sunt: *Dum enim vanè timemus futura quæ forte numquam evenient, præsentia quæ timenda sunt, non curamus.*

Quotquot jam vidistis species hominum timidorum ac pusillanimum, naturam leporis habent, adeoque sicut Deus noluit sibi lepores offerri in Sacrificium, sic & timidos homines non vult admittere ad suum obsequium, magnis enim animis opus est ad illi serviendum.

